



არ გალანძლოთ ქარი, თუ ნახავთ იმას, რაც არ მოგწონთ თქვით: "ღმერთო ჩვენო, ჭეშმარიტად, შენ გთხოვთ ამ ქარისგან სიკეთეს, სიკეთეს რაც მასშია, და სიკეთეს რაც მას ებრძანა. შენ შეგეფარებით ამ ქარის უბედურებისგან, რაც მასშია, და რაც მას ებრძანა

უბაი იბნ ქა'ბმა (აღლაჰი იყოს მისით კმაყოფილი) თქვა: აღლაჰის შუამავალმა (აღლაჰის ლოცვა და მშვიდობა მას) თქვა: «არ გალანძლოთ ქარი, თუ ნახავთ იმას, რაც არ მოგწონთ თქვით: "ღმერთო ჩვენო, ჭეშმარიტად, შენ გთხოვთ ამ ქარისგან სიკეთეს, სიკეთეს რაც მასშია, და სიკეთეს რაც მას ებრძანა. შენ შეგეფარებით ამ ქარის უბედურებისგან, რაც მასშია, და რაც მას ებრძანა».

[სანდო (საჰიჰ)] [გადმოსცა ალ-თირმიზიმი]

შუამავალმა (აღლაჰის ლოცვა და მშვიდობა მას) აკრძალა ქარის ლანძღვა და წყევლა, ის მხოლოდ თავისი გამჩენის ბრძანებას ასრულებს, ის ზოგჯერ წყალობით მოვა, ზოგჯერაც - რისხვით, მისი ლანძღვა კი მისი გამჩენი აღლაჰის ლანძღვას და მისი ბედისწერის მიმართ უკმაყოფილობის გამოხატვას ნიშნავს, შემდეგ შუამავალმა (აღლაჰის ლოცვა და მშვიდობა მას) მიუთითა, რომ მის გამჩენს აღლაჰთან უნდა იქნეს მიმართული და მას უნდა ვსთხოვოთ ქარისგან მოტანილი სიკეთე, სიკეთე რაც მასშია, და ის სიკეთე რომლისთვისაც გამოიგზავნა, როგორც არის წვიმა, მტვერის გადატანა, (ნაყოფთა დამტვერიანებისთვის) და მსგავსი. ასევე აღლაჰს უნდა მივეკედლოთ მისი ბოროტებისგან, მასში არსებული ბოროტებისგან, და იმისგან რისთვისაც ის წარმოიგზავნა, მაგალითად, მცენარეების და ხეების განადგურება, ცხოველების განადგურება, ნაგებობების დანგრევა, და სხვა მსგავსი. ამ ყველაფრის აღლაჰზე თხოვნა კი აღლაჰის მიმართ თაყვანისცემის გამოვლინებაა.

<https://sunnah.global/hadeeth/ka/show/5976>

